



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : BAPTIST LUI MING CHOI PRIMARY SCHOOL

學校名稱 : 浸信會呂明才小學

Name of Play 劇名 : 原來不是你預期

Script writer 劇作者 : 黃玉怡老師

Synopsis 故事大綱 :

Christina 是學校裡品學兼優的好學生，她的家庭生活富裕，爸爸媽媽都是專業人士，每個同學都很羨慕她；畢業舞會裡，老師選了 Christina 當畢業生代表致謝辭，另一個渴望成為全場焦點的女孩子琪琪非常妒忌 Christina。琪琪想盡辦法與 Christina 交換身份，誰料到成為 Christina 後，琪琪才知道 Christina 的一切並不是她預期的。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場 灰姑娘和小老鼠

人物：眾同學、MISS WONG、三位工人

地點：學校禮堂

(CHRISTINA 拿著掃把在掃地，各同學各自玩著。)

STEVEN：(扮灰姑娘的後母) CHRISTINA，掃乾淨啲啊。

CHRISTINA：知道！我會架喇！

嘉嘉：STEVEN，乜今日唔係你做值日生打掃咩？點解 CHRISTINA 做既？

STEVEN：係 CHRISTINA 主動話幫我手架，係唔係啊 CHRISTINA？

CHRISTINA：係呀，係呀。

琪琪：佢可能以為自己真係灰姑娘呀！

(VIANA、JONATHAN & BEN 搬一些佈景入)

VIANA：嘩，你地睇下，呢個城堡好靚呀！

嘉嘉：嘩，一定係聽日畢業舞會嘅佈景嚟啦！（陶醉）其實我真係好鍾意今年的主題「灰姑娘的舞會」架！

JONATHAN：(放下佈景板，走近嘉嘉) 我知啦！因為有人日日都發夢做公主，等緊白馬王子黎接你丫嘛！（嘉嘉被嚇到，眾笑）

嘉嘉：灰姑娘呢個角色呀，都係琪琪同 CHRISTINA 兩個爭架啦，幾時輪到我啲……

琪琪：哼哼哼……（展示自己的新水壺）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

MAY MAY：琪琪，呢個係你個新水壺？

琪琪：(驕傲地) 我英文默書連續五次一百分媽咪送俾我架。

BEN：嘩！你就好啦。我個水壺又殘又舊。

(CHRISTINA 也拿出水壺飲水。)

JONATHAN：(發現 CHRISTINA 的新水壺) CHRISTINA 你個水壺都好靚啊！

嘉嘉：嘩！係最新 LITTLE TWIN STAR 日本限量版水壺啊！

(其他同學走近)

CHRISTINA：我爸爸媽媽前幾日買，我都唔知原來係限量版。

VIANA：(細細聲向琪琪和 STEVEN) 車，扮晒野！

琪琪：以為屋企有錢就好叻，過去整古吓佢咯！

(琪琪，STEVEN，VIANA 走到 CHRISTINA 前。)

琪琪：Hi，CHRISTINA，你個水壺好靚喎，可唔可以借俾我睇下啊。

CHRISTINA：好啊。

(琪琪將水壺摔在地上。)

琪琪：哎呀，真係唔好意思，我一時唔小心架咋……

CHRISTINA：唔緊要……

(VIANA 將水壺搶走。)

VIANA：我都想睇下呀！！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

STEVEN：VIANA，俾我！

(幾個人不斷把 CHRISTINA 的水壺傳來傳去，身掛著風紀隊長王子出。)

王子：停手。

眾人：王子？

王子：你地唔應該咁整蟲人，快啲俾返個水壺 CHRISTINA，再玩我就摘你地名。

(琪琪把水壺遞給 CHRISTINA。)

CHRISTINA：唔該.....

琪琪：唔想被人玩，下次唔好帶個咁靚嘅水壺返學喇。

(老師入。)

王老師：各位同學，聽日就係畢業舞會喇，你地準備好《灰姑娘》劇裡面嘅戲服未？

眾同學：準備好！

老師：你哋會扮咩人物呀？

女同學：公主！

男同學：王子！

老師：吓？無人想扮其他角色咩？

琪琪：例如呢？

老師：小老鼠囉！幾得意呀。(眾詫異)

琪琪：噫.....點會有人想做老鼠架.....